

2-15789/19
13-09-2019

საქართველოს პარლამენტის ბიუროს

გარემოს დაცვისა და ბუნებრივი რესურსების კომიტეტის

დასკვნა

656 მოქალაქის მიერ წარმოდგენილ პეტიციაზე, რომელიც ეხება საცირკო წარმოდგენებში ცხოველების გამოყენების აკრძალვას (N1-10411/19; 27.05.2019)

გარემოს დაცვისა და ბუნებრივი რესურსების კომიტეტმა 2019 წლის 12 სექტემბრის კომიტეტის სხდომაზე განიხილა 656 მოქალაქის მიერ წარმოდგენილი პეტიცია, რომელიც ეხება საცირკო წარმოდგენებში ცხოველების გამოყენების აკრძალვას (N1-10411/19; 27.05.2019).

კომიტეტმა მიიჩნია, რომ ცხოველების წამება, სხეულის დაზიანება, ტკივილის მიყენება საქართველოს კანონმდებლობით დასჯადი ქმედებებია და აღნიშნული ქმედებების აღკვეთა და შესაბამისი ღონისძიებების გატარება შესაბამისი ორგანოების კომპეტენციას განეკუთვნება. გარემოს დაცვისა და სოფლის მეურნეობის სამინისტროს სისტემაში შემავალი სსდ გარემოსდაცვითი ზედამხედველობის დეპარტამენტის ინფორმაციით, 2013 წლიდან დღემდე არცერთი შემთხვევა არ დაფიქსირებულა ცირკში ცხოველების მიმართ არასათანადო ან/და სასტიკი მოპყრობის ფაქტზე.

აღსანიშნავია, რომ კომიტეტის ინიციატივით, საქართველოს ადმინისტრაციულ სამართალდარღვევათა კოდექსში (მუხლი 104) განხორციელდა ცვლილება და გამკაცრდა ადმინისტრაციული სახდელი ცხოველებისადმი არასათანადო მოპყრობისთვის, რაც იწვევს მათ ტანჯვას, ტკივილის მიყენებას, სხეულის დაზიანებას; ასევე განხორციელდა ცვლილება სისხლის სამართლის კოდექსში (მუხლი 259) და გამკაცრდა სასჯელი ცხოველებისადმი სასტიკ მოპყრობასა და ცხოველის წამებაზე, რამაც მისი დალუპვა ან დასახიჩრება გამოიწვია.

ვინაიდან საქართველოში არ არსებობს მუდმივი საცირკო დასი, კომიტეტი მიზანშეწონილად მიიჩნევს, რომ მსჯელობა გაგრძელდეს ცირკში ცხოველებთან მოპყრობის კონტროლის გაძლიერების კუთხით. თუმცა, კომიტეტი მიესალმება მსოფლიოს მასშტაბით ცირკში ცხოველების გამოყენების ტენდენციის კლებას და გამოთქვამს მზადყოფნას პეტიციის ავტორებთან და დაინტერესებულ პირებთან ერთად ჩაერთოს აღნიშნულ საკითხზე მსჯელობაში. კომიტეტში შეიქმნება სამუშაო ჯგუფი, რომელიც შეისწავლის საცირკო წარმოდგენებში ცხოველების მონაწილეობის საკანონმდებლო დონეზე შეზღუდვებთან დაკავშირებულ საკითხებს.

ზემოაღნიშნულიდან გამომდინარე და საქართველოს პარლამენტის რეგლამენტის 203-ე მუხლის მე-7 პუნქტის „გ“ ქვეპუნქტის შესაბამისად, კომიტეტს მიზანშეწონილად მიაჩნია, რომ პეტიციის განხილვის საჭიროება ამ ეტაპზე არ არსებობს.

პატივისცემით,

კომიტეტის თავმჯდომარე
კახაბერ კუჭავა

